

豫

章

焚

書

第四冊

皇明西江詩選卷之八

會稽韓陽選編

弋陽李奎校正

李禎

字昌祺號運甕居士吉安廬陵人永樂甲申進士仕至河南左布政使

容膝軒

一室厖如斗堆床置琴書耕讀得閑暇兀坐心自娛
天光在甕牖席門掛繩樞已忘朝市榮聊依野人居
環堵本隘陋於我信有餘陶然俯仰間八荒在庭除
豈但一榻外六合真吾廬卽此自寬裕廣廈空渠渠

梁處士挽詩

涼颺振庭樹殞星當前除伊人此遐逝歛衽歸玄廬
翩翩丹旄揚祖行在須臾衣冠闕重泉體魄寄荒墟
浮生雖有盡令德諒不渝沒世苟無述百年復何如
梁鴻凜遺烈千載與之俱

秋日寄鄉中親愛

秋氣慘以慄涼露日淒其感時憶親愛惻愴增遐思
迢遞隔山澤悠悠各天涯念昔爲舅甥于今成路岐
逝者間存歿生者傷違離奈何綢繆意中道失所期
復茲邈千里會合知幾時撫事但心折懷舊空神馳
願言垂暮景黃髮臻期頤

蔣節婦

蕭蕭斜日夕蕭蕭悲風寒涓涓苦淚滴寂寂孤燈
昔爲比目魚今作獨宿鸞捐生下相從一死諒非難
妾身豈足惜老稚誰爲看節義古所重貧窶敢不安
庶幾泉路魂瞑目少自寬泰山或可移海水亦有乾
惟應天上月長照妾心肝

翠爽樓

幽居遠城邑山水有餘清層樓據其勝登臨怡我情
曲闌無人來臥起時獨凭空青襲琴書濕露飄軒楹
薰風滌煩襟好鳥相和鳴景物能解顏濁酒聊一傾

悠然既就醉意適心自平多財信爲累達宦眞虛名
且盡今日樂明日非吾榮願言在槃澗養素安餘齡

擬影贈形

大由生萬彙繁人最爲靈云胡浪自苦馳驚跡靡寧
化機有恒運疾急弗暫停適見方紅顏鬢髮忽已星
人身非金石終當歸沉冥不如學神仙服石煉爾形
君我兩無壞永共天地齡願君取吾語日進參與苓

形答影

有形斯有影物理固其常我行爾必偕我息爾乃藏
豈但相依附實此同存亡學仙非無術却老亦有方

古稱彭聃輩其壽邈難量於今竟安在孰是長生鄉
多君爲余勸茲道終杳茫參苓且當止莫若啣盃觴

張節婦

昔與君結髮綢繆百年期奈何居中道而有死別離
相從固云易九殞分所宜殘喘匪自惜呱呱誰抱持
姆氏夙有訓敢或違天彝明明夫子魂泉下諒有知
少爲張家婦老作張家婆先姑炳遺烈誓欲與等夷
他年樹雙表大字旌門楣

松石間意軒

夙有山水癖已忘天路遊屏跡衡門下愛此松石幽

青松蔭我屋白石臨溪流遙曳藜杖撫玩舒煩憂
老農解吾意負榼遠見投忻然笑相會且共飲數甌
倦卽憇石坐時還撫松謳盡此一日樂明日非吾謀
醉眠松下石孰謂此生浮

題雙燕圖寄表弟陳安行

君家吟溪北我家郡城西君家梁間燕我家梁間棲
我從出鎮來寒暑又三變不見故鄉春惟見故鄉燕
挈家古城邊寓家汴河湄燕識主人心相隨不相離
念君千里隔見君幾時得欲令燕啣書飛歸到君側
君能弗吾棄爲理白雲莊願言共君老看燕雙飛翔

琴清軒

野客本冲素瑤琴何靜淵層軒久絕俗士跡綠綺自
上朱絲絃初彈徵調聲古澹澤國葦寒鳴旅鴈再彈
宮音如迸泉冰盤亂走珠璣圓斯須改調羽仍角灑
灑明珠相續落秋冷瀟瀟見斷雲春和鸞鳳鳴阿閭
吾聞伯牙昔善琴後來不復傳遺音如何到處聽者
少悠悠山水空高深銀箏錦瑟人同喜流蕩哇淫悅
俗耳衛國誰知擊磬心齊門孰識吹竽耻三尺焦桐
只獨怡希聲大雅世豈知但令妙解徽絃趣不必黃
金鑄子期

湖山佳趣歌

半生甘作隱者流，兩屐不到侯門遊。
老去高情付林壑，閑來樂事只漁舟。
春水泛花漾孤嶼，杜衡蘼蕪滿脩渚。
晴樹遠連江上春，晚雲忽作溪南雨。
自憐身世兩悠悠，濯纓濯足忘吾憂。
萬鍾懸爵本非志，一竿在手何所求。
門前學種五株柳，逸興雅懷到處有。
對客石床撫古琴，留客山瓢斟濁酒。
年年歲歲適閑情，皞皞熙熙度此生。
已無天上鵷鸞夢，且結湖邊鷗鷺盟。

題徐太守所畫推篷梅花圖

紛紛卉木凋零早，獨有江梅冬更好。
天寒歲晏風冷

冷野橋無人流斷冰南枝爛熳北枝少恍如玉貌千
娉婷酷憐隨月印沙影更愛臨崖近水形當塗太守
今黃霸名重華光補之亞酒酣自寫復自題餘子持
縑終不畫初開盛吐俱含態將飄乍落皆有情玲瓏
輕霰簇鑲玉蕩漾明珠疊碎瓊昨來盧君新卷裏寫
得長梢最妍美踈蘂凌寒似得春暗香撲鼻疑生紙
世間畫手多凡流惟數徐君筆最優不必掀篷棹飛
雪觀圖何異在扁舟

題三友卷

世人結交結貨利知君結友與人異牛生精爽只三

物對之不言心已契偃蹇蚪龍當檻蟠冰魂翠袖靜
相看因悲薄俗隨冷暖聊托幽芳共歲寒願君終身
勿相棄豈必彈冠復聯袂苦口雖無藥石言同心實
有金蘭義君不見紛紛輕薄流朝作刎頸暮作仇人
情真似翻覆手三友貞姿寧易求

栢室

楊家住在南山側不種棠梨惟種栢棠梨開落易衰
榮栢也亭亭色鎮清屈曲靈根蟠厚地崔嵬鉅幹拂
高冥天風乍起生竽籟撼屋驚濤忽澎湃雷霆白髮
走蛟鼉雲霧中宵見光怪良材自有神明扶下視凡

木皆庸奴秋門桃李敢爭艷田氏荊花差可徒楊郎
愛之如愛寶四季俱宜夏光好赤日行天暑不知清
陰覆地涼偏早孔明廟前根久枯御史臺中樹亦無
何似君家書屋外蕭蕭寒翠雨三株

題夾竹桃花圖

脩竹傲冬雪紅桃媚春陽剛柔既殊性艷冶寧聯芳
畫工未必知物理強寫清操伴妍美氣味原來自不
同枝柯詎肯輕相倚脩然鳳尾靜且幽下視靡曼皆
庸流貞姿豈作俗花友直節終非凡卉儔回首韶華
易枯槁雨折風飄委泥潦憔悴空憐曩日榮妖嬈寧

復前時好此君依舊挺長竿四季皆宜夏更寒萬紫
千紅零落盡青青還與報平安

昔年謠示七郡父老

昔年我來徵輸重爾有田園何暇種今年我來民差
好諸般免却無煩惱昔年逃夫今不追昔年逋租今
不陪今年頻赦昔年罪昔年流移仍撫綏白頭父老
來汝告朝廷厚恩要補報便應差徭莫欠粮休賭錢
鈔勿爲盜勿爲盜休賭錢男子務稼穡女子治絲綿
俗皆淳美人晏然我亦思如召伯賢

陌上桑

曛曛曉日艷陽天此時秦家蠶正眠春深桑葉嫩
羅敷採摘出城邊東條西條相糾纏滿目淑景麗
日妍繁紅荒紫萬仍千輝煌宮錦絢晴川照見羅敷
貌嬋娟鬢雲倭墮鴉色玄步搖斜插釵鳳偏冰姿何
曾屑丹鉛香靨皓齒疑貝編眉橫青山黛初填杏臉
細膩霞暈鮮項如蝤蛸搓玉圓額角斜貼翠花鈿寶
璫輝耳瑪瑙懸裙拖秋水籠步蓮月鈎窄小進難前
胸垂緩帶繡鸞鴛同心綰結壹雙聯暖風披拂飄蘭
莖從傍過者驚復憐盡道羅敷是神仙使君駿馬來
翩翩下馬揖贈黃金錢欲同携手共周旋羅敷低頭

久默然逡巡微聽細聲傳自陳未笄窺簡篇頗知禮
訓守貞堅閨房節操雪霜燭瑩比明蟾照清淵夫君
豪俠稱英賢才兼文武實兩全驂騑絲轡象牙鞭麒麟
鎖甲劒龍泉揚麾分符領兵權雕戈畫戟擁旌旛
流蘇複帳駝絨氍毹博山亂噴沈水烟侍兒濃粧森後
先霞綃長裙舞徧遷左迴右轉何輕便舞罷巧按鵲
鷄絃烹羔刺豹開瓊筵蒲萄名酒滿觥觥犀筋不下
飫腥羶夫君歡娛無與肩羅敷嘉言皆陳宣陳竟歛
衽携筐還人生妃匹本定緣使君有妻諒盛年丁寧
疾驅君去過結髮義重勿棄捐

梅隱歌爲蕭醫士作

曾隨羅浮仙夜訪蕭史臺臺前幾株樹粲若瓊瑤開
粉面娉婷淡梳洗涓涓綠萼嬌相倚龍宮舞女白霓
裳解珮招邀月明裏須臾晴雪灑石闌長風不惜輕
吹殘舉芳忽遇蕭史裔幽情雅致真難攀荀皮裁冠
紙裁帳惟耽嘉遯無官况飲冰寄傲寒香中憂患何
緣到心上巡簷行歌貪看花尋常每至參橫斜軒裳
夢斷任身懶山水情多從鬢華縱令對酒吟東閣爭
似扶筇探西郭第能曾並濟川舟效用終慚活人藥
活人應多功已深年年着子滿高林陽回一氣得春

信生生熟識堪輿心調羹事非成契闊回思故園渺
天末獨餘酸味今尙存謾道能除世間渴

漢武帝將軍栢歌

茂陵求仙期得仙思驂玄龍飛上天密函秘檢事封
禪宛馬馳來崧嶽前崧前獨愛三株柏錫以官名表
殊特至今猶說是將軍香葉屯雲凝翠色當時立心
隘八埏一舉欲息崑崙顛窮兵瀆武事遠略此豈解
有冲昇緣秋風辭哀萌悔早王母桃花幾回老金莖
瑞露成清淚珠襦玉匣埋荒草羨渠老壽在名山駐
齡弗藉文成丹詎諸獲聽方朔論侍從曾識枚臯顏